

مشتاقنامه

محل مطبعه و اداره :

جغسال اوغلانده امنيت
صندوغى جوارنده
شنگول يقوشنده
۲۷ نومبر

امضای :

مسلكمزه موافق آثار
جدیدیه مع الممنونیه
قبول اولنور

درج ایدلمه یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

آلتنجی جلد

۸ ربیع الاول پنجشنبه ۲۴ شباط ۳۲۶

عدد : ۱۳۱

۱۰۴ - عربیت شریف

عن عبدالله بن مسعود رضی الله عنه قال بینا انا امشی مع رسول الله صلی الله علیه وسلم [۱] فی ضرب المدينه وهو يتوكأ علی عسیب معه . فمر بنفر من اليهود فقال بعضهم لبعض سالوه عن الروح . فقال [۲] بعضهم لا تسألوه لا یجی فیہ شیء تکرهونه . فقال بعضهم لنسألنه . فقام رجل منهم فقال یا ابا القاسم ما الروح . فسکت . فقلت انه یوحی الیه . ففمت . فلما انجلی عنه قال [۳] یسألونک [۴] عن الروح قل الروح من امر ربی وما اوتوا [۵] من العلم الا قليلا .

[۱] الله کی بخاری نسخه لرنده (مع الہی صلی الله علیه وسلم) . [۲] دیگر روایتہ (وقال) . [۳] دیگر روایتہ (فقال) . [۴] دیگر روایتہ (ویسألونک) . [۵] بخارینک اکثر مصحح نسخه لرنده بویلہ صیغہ غائب ایله در . بزم قراءتمزده ایسه صیغہ خطاب ایله (اوتیم) در .

سلامت و صحت

انسانک شخصی، عائلی، اجتماعی و وظائفی

جهان متمدنہ حصوله کان بوتون ترقیاتک یکانہ مداری اولان اوج نوع حریت حقنہ سویلنه جک سوزلری یوقاریده مختصراً ایراد ایتدک ؛ بوتون اوقواعد اساسیہ ممدنهک مہرمنیر اسلامیتدن عکس ایتش ناچیز برلمعدن باشقه برشی اولمدیغنی دلائل حسیہ ایله کوستردک . لکن اوقواعد اساسیہک نتایجی صورتندہ قبول ایدیلہ جک دیگر برطاقم قواعد تالیہ دها وارکے اولنری ده قیصہ جہ بیلدیرمه من لازم کلیور ؛ تاکہ « ما فرطنا فی الکتاب من شیء » آیت کریمہ سنی نعمت عقلدن آذربحق نصیبہ ار اولانلره قارشی ایضاح ایتش اوله لم .

وظائف شخصیہ

هر انسان کندیسنک بر بردن متمیز ایکی جوهر دن متشکل اولدیغنی بیلیرکے اولنلرہ جسم ایله روح دن عبارتدر . بوایکی جوهر ماہیتلرنده کی تخالفه رغماً یکدیگریله اولیلشایان حیرت براتحاد ایله برلشمشالردرکے برینک تأثرندن اوتہ کی ده متأثر اولور ؛ ایسترسه تأثرلرکے ، یاخود مؤثرلرکے نوعلری جداً متباین اولسون . ایشته بوشعور سایه سنده درکے بشریت آرزو ایتدکده اولدیغنی سعادتہ انجق شوهرایکی جوهری حسن محافظه ایدہ بیلدکله ، وظیفه لرینی اخلال ایدہ جک هر درلو عارضه لردن مصون بولندیرمقله وارہ بیلہ جکنی یقیناً کورہ رک بولنرکے ایکسینہ بردن اعتناده بولنہ بی ضروری عد ایله مشدر .

۱۰۴ - ترجمہ

عبدالله بن مسعود رضی الله عنہک شویله دیدیکی روایت اولونیور : رسول الله صلی الله علیه وسلم ایله برلکده (بر کون) مدینہ خرابه لرنده یورو یوردک . (رسول الله صلی الله علیه وسلم) خرما دالندن بر دکنکے طایانیوردی . دیرکن بر قاج یهودی یه تصادف ایتدی ، بر طاقی دیگر طاقنہ : « اوکا روحی صورك » دیدی . بر طاقی ده : « اوکا (بر شی) صورمیک . (بلکے) خوشلامیه جفکز بر شی سویلر . بضرلی ایسه : هر خالده صوره جفز » دیدی . دیرکن بری قالقوب : « یا ابا القاسم ! روح ندر ؟ » دیه صوردی . (رسول الله صلی الله علیه وسلم) سکوت ایتدی . (کندی کندی یه) : « اوکا شہر سز وخی کلیور » دیهرک (یانندن) قالقدم . (وخی حالی) صیریلنجه : یسألونک عن الروح قل الروح من امر ربی وما اوتوا من العلم الا قليلا » [۱] بویوردی .

[۱] آیت کریمہک مال عالیمی : « سکاروح ندر دیه صوریورلر . اولنلره دی که : « روح ربک اصری جملہ سننددر . اولنلره انجق پک آزعلم ویرلشددر . » اھ حفص قرائتندہ (وما اوتیم) دیه روایت اولونیور والله اعلم

اخطار : (۹۸) تجی حدیث شریفک ترجمه سننه عائد اولوب

سہواً کچن هفته قونوله میان نوطدر :

آیتین کریمتک مال عالیمی « انزال ایتدیکم (آیات) بینات ایله هدایتی اولنری بز خلقه کتابده بیان ایتدکدن صوکره کتم ایدنلر اولیلہ کیمسه لردرکے کندیلرینہ الله ده لعنت ایدر ، لعنت ایدنلر ده لعنت ایدر . یالکن بوفعللرندن توبہ ایدوبده عمل صالح ایشیلنلر وکتم ایتدکریخی صوکره دن بیان ایدنلر مستنادر . (زیرا) تو اب ورحیم ہم . اھ والله اعلم

لوق دییورکے : « انسان ایچون بو عالمده وصولی ممکن اوله بیلہ جک ایکی شینک وجودینی استلزام ایدرکے اوده صاغلام عقل ایله سالم وجوددن عبارتدر . شو ایکی نعمت دیگر بتون نعمتک اساسی در . حتی شو ایکی نعمته تمامیلہ نائل اولانلرک مناعم سائرہ یه احتیاجی یوقدر ، دیلمده نمکندر . بولنرک برندن محروم اولان آدم دیگر مناعمک هپسنه بردن نائل اولسه بیلہ ایکسینی بردن جمع ایدن بر باشقه سنندن دها مسعوددر دینلہ من . چونکے کرک سعادت ، کرک خرمان انجق شوایکی نعمتک وجودیلہ ، یاخود فقدانیلہ قائمدر . صاغلام بر عقله مالک اولمیان آدم عمری اولدقجه شہراه سعادتہ یول بولہ ماز . وجودی سالم اولمیان ده طریق مسعودیتده اهمیتلی خطوه لرله ایلریلیه من .

شو حقایق ثابت اولدقدن صوکره دیررکے : انسان سعادت معنویہ . سنک استلزام ایتدیکی مطالب روحیه ایله سعادت جسمانیہ سنک احجاب ایتدیکی مطالب مادیہ دن عبارت اولمق اوزره ایکی نوع مطالبک متساویاً تحت تأثیرنده بولنیور . مطالب روحیه بر طاقم قواعدک هیئت مجموعه سیدرکے نفس ناطقه بشریہک امراض معنویہ دن سلامتی تأمین ایدہ رک اونی علت خلقتی اولان وظائفی ادا ایدہ بیلہ جک بر حاله کتیر مکله مکفدر ، نته کیم مطالب مادیہ یالکنز بدنی عارضات جسمانیہ دن مصون طوتمایه ، بو حیات ارضیہ ده جسمدن بکله نیلن وظیفه بی ایفایه صالح بر درجه یه کتیر مکله خادم اولان قواعدک هیئت مجموعه سیدر . ایددی ، انسانیتک آرزو اولنن سعادتہ وصولی روح ایله جسمک برلکده تهذیبیلہ هر ایکسینہ عائد مطالبک آره سننده کی نسبتی محافظه

۳ - مکارم اخلاق ایله الفت ایتدیرلمسی .

۴ - عقائدینک تصحیحی .

شیمدی شو درت امر مهمک هربری ایچون منفرد بر فصل
تخصیص ایده جکر

محمدعا کف

ایتمکدن عبارت اولدینی بوکون بوتون علمای جهانک عندنده مناقشه
کوتورمین حقایق بدیهیه صره سنه کچمشدر ، حالبوکه دها انسانلر
سعادتی طاغ باشلرنده اوطور مق ، دنیادن بوسبوتون الی اتمکنی
چکمک ، یاخود بتون اذواق منویه یی بر طرفه براقهرق صرف
جسمانی حظوظ ایله اوغراشمق کبی شیلرده آرارلرکن مسلمانلق
بو حقیقتی میدانه قویمش ایدی . شیمدی شو سوزمزی بر آرز تفصیل
ایله ایضاح ایده لم :

روحک مطایبی

خلقک احوالنه نظر امعان ایله باقان بر کوز فطرتلرده کی تباینه ،
استعدادلرده کی تخالفه دأر دهشتلی عجیبه لر کورور . شوراده بر معتدله ،
اوراده بر مفرطه ، اوتده بر مفرطه تصادف ایدر . صوکره بونلرک
آره لرنده ده اوقدر درجه لر بولورکه جناب خالقندن باشقه سی ایچون
احاطه قابل اوله ماز . بونلرک هپسی ده اعمالده ، اعتقاداتده ، ملکاتده
بربرینه اوقدر مخالفدرکه ایکی ضدی جمع ایتک نصل غیر قابل ایسه ،
ایکی قلبک ییننی تألیفده ایله جه امکانسز اولور . اوت ، نوعیتده متجدد ،
انسانیتده مشترک اولملرینه رغماً تخالفک بودرجه سی شایان خبرتدر .
پک اعلا ! نوع انسانی یی تشکیل ایدن افراد آره سننده بو قدر
شدتلی بر تخالف نه دن ایلری کلیور . بیلورمیسک ؟ اجسامه صولت
ایدرک اونلرک صورمادیه سنی چیر کینلشدیرن بر طاقم خسته لقلر ، عارضه لر
بولندینی کبی ، اورتده ارواحه مسلط اوله رق اونلرک صور مغویه سنی ده
یچمندن چیقاران بر طاقم امراض واعراض موجود اولدیغنه شوحال
بر دلیل محسوس دکلیدر ؟ صوکره ، یارمؤثر نصیحتک ، یاخود تهدیدک
تأثیر یله عقلنی باشنه طوبالامش بر سر سری ، آرز غینلقدن واز کچمش
بر سفیه کورویورسک . شو مشاهده حقیقی علاجی بولنورسه امراض
روحیه نکده قابل ازاله اوله جفنه واضح بر دلیل اولمازمی ؟

اوت ، روح بدایت امرده هر قابله دوکولمه یه مستعد بر چوجوق
کییدر . اکر بر مربی حکیمک آغوش تربیه سننده بویویه جک اولورسه
بر روح مزکی اولور چیقار ، یوق ، لاقید بر مربی یه دوشر ، یاخود
بر طاقم فنا مؤثراتک دست مرحمتته بر اقلیدر سه صاحبک باشنه بلا اوله جق
بر روح شریر اولور . دیمک ، کرک خسته لقی ، کرک علاجی قبول
خصوصنده روحک عالی عینیه جسمک حالیدر ؛ برفرق وارسه جسم
مادینک خسته لقلر یله دوالری روح مغویینک امراض ومعالجاتنه
بکزمه مسیدر .

آرتق ، ارواحک طرز تربیه سیله امراضدن وقایه سی خصوصنده ،
کذلک وظیفه مودوعه سنی ایفایه صالح بر حاله کله بیلیمسی ایچون طوتیه جق
طریق حقنده سوز سویلیمک براز قولایلاشدی دیمکدر .

بومقصده وصول ایچون نه لازمدر ؟ اوت ، بونک ایچون درت
شی الزمدر :

۱ - روحک ملوثات اوهامدن تطهیری .

۲ - معلومات صحیحه ایله تهذیبی .

الحمد لله والصلوة والسلام على افضل خلق اليه اما بعد فقد سئلت
عن اعطاء الزكاة للدونم فاجبت : مذهب امام دارالهجرة
ان آية المصروف في قوله انما الصدقات للفقراء والمساكين والعاملين عليها
والمؤلفة قلوبهم وفي الرقاب والغارمين وفي سبيل الله وابن السبيل مسوقة
للبائس لا للتقسيم وان الواو بمثابة اوكانه قيل والله اعلم انما الصدقات
للفقراء والمساكين الخ ومثال ذلك ان الزكاة لا يجوز ان تخرج عن الاصناف
الثمانية ويمكن ان تدفع كلها لصنف واحد سيما اذا كان احوج من غيره
فان تخصيصه بها يصير مطلوباً كما ان المراد بقوله تعالى وفي سبيل الله
الجهاد في سبيل الله من اعداد المعدات والصرف على الغزات ومن ذلك
بناء الاطيل على التحقيق من المذهب نص كتب المذهب على ما قدمنا
من الفقه ماسيئاتي نص مباررة في الكير قال مالك رضى الله عنه اللام في
قوله تعالى للفقراء لبائس المصروف لا للملك يعنى ولو كانت للملك للزم عموم
الاصناف الثمانية لان الملك يكون لكل صنف منهم ثم قال وفي المجموعة
آية الصدقة ليس فيها قسم بل اعلام باهلها فلذلك لواءعطيت نصف
اجزاً وقيد ابن عبد السلام بما عدا العامل والافلا معنى لدفع جميعهاله
ونص القطب الدردير في اقرب المسالك ونذب ايتار المضطر المحتاج
على غيره بان يخص بالايعطاء اويزادله فيه على غيره على حسب ما يقتضيه
الحال اذ المقصود سد الحاجة لانعميم الاصناف فلا يندب بل متى اعطى
لاى شخص موصوف بكونه من احد الاصناف الثمانية كفى الله ونص
الدسوقي عند قول الامام خليل في بيان مصرف الزكاة ومجاهدو آله ولو غنيا
كمحسوس لاسور ومركب وهذا قول ابن بشير ومقابله لابن عبدالحكم
فيجوز عنده عمل الاسوار والمراكب منها ولم يقل اللخمى غيره واستظهره
في التوضيح قال ابن عبد السلام هو الصحيح ولذا اعترض المواق على
المصنف بانه تبع تشهير ابن بشير وقال انه لم ير المنع لغير ابن بشير فضلاً
عن تشهيره من البنائى هذه نصوص الفقه المذكور بناء على هذا
الفقه يجوز لمن وجبت عليه زكاة ان يخصصها نصف الجهاد في سبيل الله
من بناء الاسطول واعداد معداته بل اذا نظرنا الى الاضطراب شدة
الاحتياج نقول لمن وجبت عليه الزكاة يستحب في حقك ان تدفع كل
زكاتك لهذا الجانب لان الضرورة اليه في هذا الزمان اشد باضعاف
متضاعفة من غيره بل اذا نظرنا لمحيطننا نظر متبصر خالص النية نجد
الاسلام قاطبة في حالة هجوم عليه ومفاجاة العدو له ومعلوم ان هاته الحالة
توجب وتحم شرعاً باتفاق المذاهب الجهاد في سبيل الله ودفع هجمات على
اوطان المسلمين ودينهم وحریمهم وذراريهم بالاموال كلها والارواح كلها